


青縣志

光



青縣新志序

守土之責養與教而已養莫大於興利除弊而教莫先於勸善規過則凡土地之所宜民事之所急與夫可法可傳之事有關綱常名教之大皆當廣搜博採載在典籍以信今而傳後使行之者有所倣而覽之者可以興若是則志之時義大矣哉故寰宇有統志直省有通志郡邑有志邑有邑志周禮職方氏備記九州之山鎮川浸而禹貢并及於田賦貢篚非郡邑志之所不

青縣志

序

輿與守宰臨蒞其土博攷圖經延訪耆宿不憚心手勤瘁以斬成書良有以也且夫山谿峻阻則伏莽易生閭閻殷沃則風尚易雜生齒日繁則思有以安集之征徭煩重則思有以休息之士雖膏腴而未耜懸猶石田也士誠俊乂而絃誦衰猶莠民也選舉盛典也開於前者尚期繼於後孝義美行也興於下者必先作於上是宜詳陳紀載觸目警心故志雖著作之科而以實心行實政者鮮不以是爲務也青邑居冀

州之境當燕齊趙三國之交舊稱名勝

國朝密邇

神京風被首善其天產人事烏可以其彈丸而任荒
畧焉青志創自前明應君我

朝康熙癸丑楊君霞重修之迄今又百三十年夫
編籍久而易殘損益變更又歷時而互異仍其
缺漏後將何稽況其間人文蔚起科甲蟬聯名
公鉅卿勛名竹帛以及忠孝廉節卓越人寰騷
人逸士才藻濬發踵聯趾接駸駸乎其日上者

青縣志

序

二

聽其湮沒而無聞則吏治因循世教其何以興
起乎前歲藪山沈君令茲邑操廉而才敏爰於
拯溺救災之暇披舊志而喟然乃與倪甫堂明
府參訂商畧別門析類雖前有所因而功實倍
於創始其增於舊志者則首列

兵燹所以光邑乘也餘自星野沿革以迄藝文都爲
八卷悉如舊志而補闕訂訛折衷盡善則原本
所不及如戶丁田賦今昔異制多寡殊科皆據
前編定爲尤詳漕運所經隄工最要源流濬築

或攷之陳編或得之親歷無不燭見周悉至職
官選舉人物莫非循名責實不濫不遺且于書
志分門合寫眉目欠清處苦爲分明其有可合
者若疆域則附以村鎮山川則附以隄工此
合而合者也沿革古蹟斷無可合者則各爲一
帙入目了然凡此非具有良史才烏足以語此
書成問序於余披閱數過賞其體例謹嚴參考
詳備洵堪不朽而余尤喜其於簿書鞅掌孜孜
以修輯志乘爲急想其棲五尺之榻而慮周乎

青縣志

序

三

四境食一日之俸而謀及乎十百千年故擇而
精語而詳吾知按圖而爲民究利弊秉筆而爲
民計勸懲則君之所以爲志卽君之所以爲教
養而以實心行實政者俱本於此故樂而爲之

序

書

嘉慶八年歲在癸亥孟夏之月

賜進士出身

誥授朝議大夫知天津府事六安楊志信蘭如氏撰

重修青縣志序

自周禮史官掌邦國掌四方土訓誦訓又各有其掌此後世方志所由興也漢武帝時計書既上大史郡國地志固亦在焉而子長史記但述河渠而已其後劉向略言地域班固因之作地理志晉摯虞作畿輔經齊陸澄作地理書任昉又增之為地記隋有區宇圖志諸州圖經唐有魏王泰括地志元和郡縣圖志皆統天下言之非一州一邑之專志也迨宋時宋敏求作長安

青縣志

序

四

志范成大作吳郡志之後合肥無為縣始各有專志矣我

朝文教覃敷典章大備自一統志而外各直省皆有通志凡郡邑亦莫不有志休哉何治化之隆歟顏師古曰志記也積記其事也然而非其人不作非其人不述守土之官簿書鞅掌而不暇為卽有其暇而夙無風雅之嗜則又不能為卽好而為之非考訂精確足以傳信於茲者則又不可為志之成也不纂難哉按青邑漢為參軍

縣地晉爲章武縣地後魏爲浮陽縣地水經注云清河東北流浮水故瀆出焉又北逕浮陽縣故城西又云清漳逕章武縣故城之西故濊邑也東北逕參戶亭分爲二瀆應劭曰平舒縣西南五十里有參戶亭故縣也太平寰宇記云乾寧軍本古蘆臺軍地後爲馮橋鎮臨御河之岸周世宗顯德六年收復關南却爲乾寧軍領縣一曰乾寧縣舊名永安縣也元史曰清州明改

曰青縣

青縣志

序

五

國初廢興濟縣入焉地近京畿居青齊之交四會五達實爲要衝沈君叢山以吳下雋才縮符斯邑因地制宜順化成俗見邑志自康熙癸丑重修迄今閱百三十年故老無聞文殘獻失廼慨然曰青邑雖小屬在甸服志之所重修舉廢墜豈可緩哉於是延博洽之儒網羅舊聞采綴近事兩月而成書旣綱舉而目張亦條分而縷晰首志

天章正如魯史之正月必尊周王也次列星野沿革

疆域山川古蹟建置賦役兵防職官選舉人
風土蠲卹祥異藝文都爲八卷補前志所未
傳後人以可稽煌煌乎一邑之鉅觀矣哉山
於掌故周知水利而志中水道考訂尤精余不
敏佐郡而兼領河渠尤可佐余之不及至於古
今異制奢儉異宜政教之實猛人才之盛衰物
力之豐耗俗尚之汙隆一一詳審而裁定之可
以承統志省志郡志之全以備大史之採者苟
非其才大學博心虛論公烏能兼作述之任哉

青縣志

序

六

昔昌黎云文章言語與政事相俾朱子出守南
康下車首詢郡志若戡山者可謂得前賢之意
矣爲弁言以歸之俾邑之人知周官外史之法
非徒侈一時之披覽也

諸授奉政大夫天津府同知海豐吳之勳撰

序

邑之有志猶國之有史也因革損益非志不備
幽光潛德非志不彰自

聖祖仁皇帝

世宗憲皇帝先後

詔令直省郡縣各修志書

畿輔爲首善之區卽在僻壤彈丸靡不各有志乘
青雖蕞爾其建置視津靜爲尤古故其記載爲
較詳聯以辛酉春承乏於茲下車之始卽值大

青縣志

序

七

水泛濫哀鴻滿目拯溺不遑越明年有蝗奉宣
恩澤撫輯奔馳幾無暇刻今春雨暘時若歲稔人和
爰取舊志披而讀之則康熙癸丑歲前任楊公
震應公震舊志而增輯成編者也應公之先
縣固無志自明萬厯間應公爲之創歷六十餘
年而楊公繼修之其於

昭代鼎新之際遺佚舊聞無不網羅彙萃無少闕
畧實有功於斯邑不小今又閱一百三十稔矣
世遠年湮星移物換設遲之又久而不志將見

入部亭車過訪聯聞其至喜不自勝迺爲投轄
掃榻以留商所以修纂者甫堂初遜謝固請慙
然諾之甫堂史才也具淹博之學而又久於青
其於此邦之風土人情知之尤稔筆削之任全
甫堂其誰與歸譬之造屋棟梁旣立榱桷易施
旣得甫堂爲之挈其綱領聯雖弗支亦相與參
酌以翼其成夫青爲歷代戍守重地置軍設砦
代有兵防而舊志失載青爲漳滹諸河入海滙

流之所舊志亦多缺略今俱考訂增列其餘土
田風俗官師人物等項採訪雖憑諸輿論而或
可或否或去或留惟以事歸真確足以信今傳
後者方入之其有散見於他籍而事涉兩可者
魯魚亥豕毋寧闕以示疑是編經始於仲春朔
日不兩月而告成向非天假之緣得甫堂以朝
夕折衷所懼牛羊之目僅見方隅百里之大百
餘年之事又安能修廢舉墜正譌析疑以相
有成如是其速耶雖然百慮詎無一疎

羅遺珠知在不免後之覽者不以瑕疵相指摘
是則聯之厚幸也夫

時

嘉慶八年歲在癸亥季春之月知青縣事元和

沈聯芳識

青縣志序

昔韓子云莫爲之前雖美弗彰莫爲之後雖盛弗傳吾謂彰美易傳盛難卽以邑志言之當夫邑之甫建也凡版輿之阨塞戶口之殷繁山川之奇秀學校之振興以及名臣循吏藝苑儒林與夫薦舉賓賢孝義節烈莫不美在其中歷歷可數良有司旣樂以景化之鎔備輶軒之采而都人士藉以新一時耳目亦且踴躍觀成等於駟鐵車粼秦人創見故志之作也如鴻毛遇風

青縣志

序

十

巨魚縱壑聲非加疾而聽者響應焉泊積久相沿居人恒熟視若無覩而當事不察輒以爲迂遠而闕於事情且或阻於時或格於勢朝捧檄夕量移非以報最遷卽以有故去簿書執掌旣文教未遑籌費因循姑高閣是束無惑乎代遠年湮一任杞宋無徵而莫之惜也榕門相國謂非初始之難而紹承恢大之難豈虛語哉葢山沈君以嘉慶六年視縣事下車披舊志慨然思以增輯之值比歲不登奉文賑卹未暇及也然

因是歷四鄉周知風土形勢瞭習中越二年春
雨雪應時惠政洋溢乃進邑紳耆屬以從事適
余以需次故寓青來謁遽以志商夫蟻封鶴埵
無補泰山斷港絕潢不歸河海且載山吾吳知
名士也其生平所涉歷若閩越若兗豫若秦晉
楚蜀諸大邦眺萬國之山川賦九州之名物所
到有聲出其緒餘爲百里權損益訂質文於志
是也何有顧青余舊遊地計來往於茲閱三十
有二載名區勝槩能畧道之冀少效一得以故

青縣志

序

七

不敢辭嘗考青自唐宋以來代爲戍守重鎮我
朝統一宇內臥鼓銷烽乾寧蒞臺諸軍廢不復置
而右營三汛分轄要衝以時操演沿河設水撥
每值飛芻輓粟催重價空猶仿古者寓兵于農
遺意則兵防不可不詳也青地濱大河向稱澤
國漚淖泗清諸水過泛溢則四出爲患淹沒田
廬民受累以及于官且東南財賦由境入衛達
神京非俾之順軌安流輒虞阻滯則隄工不可不
詳也公以經緯通才弭盜戢奸旣于軍政多所

禪而凡諸源流濬築尤必躬親極度會全河之
要而酌其宜由是挈領提綱筆之書而文省事
實足補前志所未備而余僅以一知半解叅其
間乃竊喜見聞日以擴而經術取資有自也附
驥亦顯將在斯乎或謂是役也始仲春之朔不
兩月事蒞易甚也而安見其難不知舊志修自
康熙十二年距今百有餘歲一絕而幾不復續
危矣以公其對山稼書兩先生志靈武之筆乃
天故紆緩之必遲久而始得遂其編輯向使未

青縣志

序

三

至今而遽邀顯擢勢將中止焉邑雖盛其奚自
而傳此吾所以爲難也或又謂楊公繼應公而
志修亦以傳盛也難豈自今始非也楊公值
國家鼎新之後兵燹甫定制度初更所謂美不自
美因人而彰者於是乎在且當時迫於

功令邑中如姚子景虞輩又思竟其先人十年未
竟之緒不以簡漏爲嫌故其成也速而易自非
然者其誰復以無關殿最之舉而不吝捐俸入

焉心方以圖之也故謂傳盛者難公乃毅然

不以畏其難而弗爲也此足以風矣於是乎

嘉慶八年閏二月

賜進士出身前知廣東西寧縣事梁谿倪鏞謹拜撰

序

邑之有志猶國之有史所以信今而傳後也溯
自上古結繩之治易而書契三代以來大事
方小事書策後世典冊高文汗牛充棟所以廣
流傳者則付之剞劂如志書之壽諸梨棗者宜
何如什襲而藏之傑承乏斯邑下車伊始亟取
邑志而讀之見夫青志修於有明萬歷丁未至
國朝康熙癸丑嘉慶癸亥兩次重修冠以

宸章光昭邑乘其中星野沿革疆域山川古蹟建置

青縣志

一

賦役兵防職官選舉人物風土蠲卹祥異藝文
都爲八卷朗若列眉煌煌乎一邑之鉅觀也竊
欲多爲刷印以廣流傳上以備

各大憲輶軒之採下以爲都人士博覽之資乃

版質朽腐字跡剝蝕者五十餘頁傑甚惜之夫

抱殘守缺士君子之責也考獻徵文賢宰官之

任也果能網羅舊聞博採近事使邑志重輯而

增修之傑雖有志而未逮焉而忍聽此區區數

十頁之斷簡殘編不加修整將日久善本無存

全志盡歸於湮沒是誰之咎與因捐廉亟召梓
人補鑄之越月功竣竊辛邑志完璧可以廣流
傳矣至重輯而增修之仍俟後之賢人君子有
史才者是爲序時

同治五年歲在丙寅季秋之月知青縣事滇南
劉傑謹識

青縣縣地

輿全圖

青縣志

圖

